

萬有文庫

第一第一千種

王雲五主編

通志略

(四十)

鄭樵著

商務印書館發行

通 志 略

(四十)

鄭 樵 著

國 學 基 本 叢 書

職官略第六

王侯第十

歷代王侯封爵

公主并官屬附

昔黃帝旁行天下分建萬國至于唐虞別爲五等曰公侯伯子男則虞書所謂輯五瑞修五玉是其制也夏與唐虞同商制天子之田方千里公侯百里伯七十里子男五十里不能五十里者不令於天子附於諸侯

鄭玄云此乃商所因夏爵三等之制

凡四海之內九州州方千里

州建百里之國三十七十里之國六十五十里之國百有二十凡二百一十國名山大澤不以封其餘以

爲附庸間田。凡九州千七百七十三國。千里之外設方伯。五國爲屬。屬有長。十國爲連。連有帥。三十國爲卒。卒有正。二百一十國爲州。州有伯。八州八伯。五十六正。百六十八帥。三百三十六長。八伯各以其屬屬於天子之老二人。分天下以爲左右。曰二伯。千里之內曰甸。千里之外曰采。周制封王者。後凡有功之諸侯。大者地方五百里。侯四百里。伯三百里。子二百里。男百里。方千里曰王畿。其外方五百里曰侯服。又其外方五百里曰甸服。又其外方五百里曰男服。又其外方五百里曰采服。又其外方五百里曰衛服。又其

外方五百里曰蠻服。又其外方五百里曰夷服。又其

外方五百里曰鎮服。又其外方五百里曰藩服。周之初列

爵惟五。公侯伯子男。分土惟三。公侯方百里。伯方七

十里。子男方五十里。並因商制。至周公居攝。制禮作

樂。列爵分土。皆五等焉。公五百里。侯四

百里。伯三百里。子二百里。男一百里。凡諸侯世子

世國。大夫不世爵。使人以德。爵人以功。謂縣內及列

子大夫者。不世爵。而諸侯有上大夫卿。下大夫。上士。

中士。下士。凡五等。諸侯之大夫。不世爵。祿。公國孤一

人。公之孤。四命。大國三卿。皆命於天子。次國三卿。二卿命

每國下大夫五人。上士二十七人。大國之卿不過三命。下卿再命。小國之卿與大夫一命。其士不命。次國之上卿位當大國之中。中當其下。下當其上。大夫小國之上卿位當大國之下。卿中當其上。大夫下當其下。大夫至于周衰。諸侯失制。號令自己。其名不一。於是正卿當國。謂之相。而楚謂之令尹。其他異同難悉數矣。秦制爵二十等。以賞功勞。二十徹侯。後漢志曰。紫綬功大者食縣。小者食鄉亭。得臣其所食。十九關吏民。後避漢武帝諱。改曰通侯。或曰列侯。十八大庶長。劉昭曰。自左內侯。顏師古曰。言有侯號也。而居京畿無國邑也。庶長。大庶長皆將軍將也。所將庶人更卒。故以一爲大。庶長即大將軍也。左右庶長即左右偏裨也。十七

駟車庶長

言乘駟馬之車而爲衆庶之長

十六大上造

言皆主上造之士

十

五少上造十四右更

言主領更率部其役事

十三中更十二左

更十一右庶長

言爲衆列之長

十左庶長九五大夫

劉昭曰白公士

至五大夫皆軍吏也

八公乘

言得乘公家之車也劉昭曰自吏民爵不得過公乘過者得贊與子

孫若同產然則公乘者軍吏之爵最尊

七公大夫

與下同

六官大夫

加官者示

稍尊也亦謂之國大夫

五大夫

列位從大夫

四不更

言不預更率之事

三簪

襄

以組帶馬曰襄簪襄者主飾此馬

二上造

造成也言有成命於上

一公士

言有

爵命異於士卒劉昭曰士卒之有爵爲士者也戰國之際秦項之間權設班寵有加賜邑君者蓋假其位

號或空受其爵耳則田嬰爲靖郭君白起爲武安君魏冉弟爲華陽君秦昭王弟爲涇陽君及高陵君蔡

澤爲剛成君其後項梁爲武信君陳餘爲成安君李左車爲廣武君之類是也至漢尤多蓋在封爵之外

別加美號漢興設爵二等曰王曰侯皇子而封爲王者其實古諸侯也故謂之諸侯王王子封爲侯者謂之諸侯羣臣異姓以功封者謂之徹侯大者不過萬家小者五六百戶以爲差降而諸三國皆連城數十踰於古制其諸侯功德優盛朝廷所敬異有賜特進者其位在三公下其次列侯有功德天子命爲諸侯者謂之朝侯其位次九卿下皆平冕文衣侍祠郊廟其稱侍祠侯者但侍祠而無朝位其非朝侯侍祠侯而下上小國或以肺腑宿親若公主子孫或奉先侯墳墓在京師者亦隨時見會謂之猥諸侯凡諸王侯皆

金璽鑒綬

古者印璽通名。今則尊卑有別。漢舊儀云。諸侯王金印。黃金駢紐。文刻曰某王之璽。赤地綬。列侯黃金印。龜紐。文曰某侯之印。亦以紫綬。

掌治其國王常冠遠遊

冠綬五采而多朱。自稱曰寡人。教曰令。凡諸侯王官

傳爲太傅。相爲丞相。又有御史大夫。諸卿皆秩二千

石。百官皆如漢朝。漢朝唯置丞相。其御史大夫以下

皆自置之。及七國作亂之後。景帝懲之。遂令諸侯王

不得治民。令內史治之。改丞相曰相。省御史大夫。廷

尉少府宗正博士官。武帝改漢內史中尉郎中令之

名。

內史爲京兆尹。中尉爲執金吾。郎中令爲光祿勳。

而王國如故。職員皆不

得自置。又令諸王得推恩封子弟爲列侯。於是齊分

爲七。趙分爲六。梁分爲五。淮南分爲三。又令諸侯十月獻酎金。不如法者國除。作左官之律。附益之法。自後諸侯王唯得衣食稅租。至成帝綏和元年。省內史更令相治民。大司空何武奏罷內史。相如太守。中尉如都尉參職。是後中尉爭權與王相奏。

常不和。

太傅但曰。傳漢初論功封列侯者凡百四十有

三人。

蕭何爲冠。

外戚與定天下侯者二人。凡列侯金印紫

綬。大者食縣。小者食鄉亭。得臣其所食吏民。凡皇帝

之女公主皆列侯尚之。王國有傳。

初曰太傅。相。本統後除太宰。相。衆官。

後省內史而相理民。如郡太守。史記曰曹參相齊。又曰石慶爲齊相。舉國皆慕其家行。不言而齊國大治。而爲立石。內史治國中尉掌武郎中令秩千石。僕日本相杜也。

太僕改曰僕墨綬

文學

宋志云前漢王國已置文學

大司農衛士長太倉

長列侯國亦有相餘略與王國同公主有家令門尉

亦有賜重封者

顏師古曰重封謂加二號耳

成帝鴻嘉三年詔七

大夫以上皆令食邑

秦本制列侯乃得食邑七大夫即公大夫

非七大夫

以下皆復其身及戶勿事是歲又令吏民得買爵賈

級千錢後漢爵亦二等皇子封王其郡爲國其列侯

雖鄧冠元勲所食不過四縣爲侯國舊制列侯奉朝

請在長安者皆位次三公中興以來唯以功德賜位

特進者次車騎將軍賜位朝侯次五校尉賜位侍祠

侯次大夫其餘以肺腑及公主孫子或奉墳墓亦爲

猥諸侯

漢官儀曰皇后父兄率爲特進侯朝會位次以次三公

明帝爲四姓小

侯開立學校置五經師

外戚樊氏郭氏陰氏馬氏諸子弟立學號曰四姓小侯以

非列侯故曰小侯

諸王封者受茅土歸以立社罪侯歸國不

得臣吏民至獻帝建安初封曹操爲費亭侯之制自

此始也二十年曹公始置名號侯置五大夫與舊列

侯關內侯凡六等以賞軍功初漢制皇女皆封縣公

主儀服同列侯其尊崇者加號長公主儀服同蕃王

諸王女皆封鄉亭翁主儀服同鄉亭侯

漢諸王女亦謂之翁主漢

書謂齊厲王姊爲紀公主以紀氏所生因以爲號

章帝唯特封東平憲王蒼

琅邪孝王京女爲縣公主其後漢安帝姊妹亦封長

公主同之皇女

蔡邕獨斷曰漢帝子女曰公主儀比諸侯姊妹曰長公主儀比諸侯王也

其皇女封公主者所生之子襲母封爲列侯皆傳國

于後鄉亭之封則不傳襲

永初元年鄧太后封清河孝王慶女十一人皆爲鄉

公主分食邑奉

王國有傳

如師不臣二千石

相

秩二千石刀曜爲魯相行縣三老執轡學

官處士皆乘馬隨後所頓亭鄉傳輟講經

內史

如郡丞

中尉郎中令

掌五大夫郎中

宿衛如僕主車

治書

奉使至京都

謁者禮樂長衛士長醫

工長求巷長祠祀長郎中其紹封削絀者中尉內史

官屬亦以率減列侯國置相

其秩各如本縣主治民如令長不臣也但納租

千侯以戶數爲限

其官隨國大小爲增減食邑千戶以上置

家丞庶子各一人不滿千戶則不置家丞舊置行人

洗馬門大夫等官。又悉省諸公主各置家令一人。魏黃初三年。初制封王之庶子爲鄉公。嗣王之庶子爲鄉侯。公之庶子爲亭侯。其後定制。凡國王公侯伯子男六等。次縣侯。次鄉侯。次亭侯。次關內侯。又置名號侯。爵十八級。關中侯。爵十七級。皆金印紫綬。又關外侯。十六級。銅印龜紐。墨綬。五大夫十五級。銅印環紐。亦墨綬。自關內侯皆不食租。虛封爵。自魏始。而有保傅。相。常侍。侍郎。郎中令。中尉。大農。文學。友。謁者。大夫。諸雜署令丞。公主有家令。僕丞。行夜督郵。王大妃有家令。僕丞。晉亦有王公侯伯子男六等之封。晉令曰。有開國。

郡公縣公郡侯縣侯伯子男及鄉亭關中關內外等侯之爵唯安平郡公孚邑萬

戶制度如魏諸王其餘縣公邑千八百戶地方七十
五里大國侯邑千六百戶地方七十里次國侯邑千
四百戶地方六十五里大國伯邑千二百戶地方六
十里次國伯邑一千戶地方五十里大國子邑八百
戶地方五十里次國子邑六百戶地方四十里男邑
四百戶地方四十里武帝受禪之初泰始元年封建
子弟爲王二十餘人以郡爲國邑二萬戶爲大國置
上中下三軍兵五千人邑萬戶爲次國置上軍下軍
兵三千人邑五千戶爲小國置一軍兵千五百人王

不之國。宮於京師。罷五等之制。公侯邑萬戶以上。國
爲大國。五千以上。爲次國。不滿五千戶爲小國。初雖
有封國。而王公皆在京師。咸寧三年。詔徙諸王公皆
歸國。時楊琰荀勗以齊王攸有時名。懼惠帝有後。難
乃追故司空裴秀立封建之旨。遂詔王公悉令
歸國。乃更制戶邑。皆中尉領兵。其平原。汝南。琅邪。扶風。
齊。爲大國。梁。趙。樂安。燕。安平。義陽。爲次國。其餘爲小
國。既遣就國。而諸公皆
戀京師。涕泣而去。凡名山大澤。不以封。鹽鐵金
銀銅錫。始平之竹園。別都宮室園囿。皆不爲屬國。其
仕在天朝者。與之國同。皆自選其文武官。諸入作卿
士。而其世子年已壯者。皆遣蒞國。其王公侯以下。茅

杜符璽車旗命服一如秦始故事凡王金印龜紐練

朱綬遠遊三梁冠絳紗朝服佩山玄玉

開國縣公郡公金章阜朱

絳綬郡侯青朱綬同進賢三梁冠絳紗朝服佩山玄玉開國縣侯伯子男金章朱墨綬冠佩亦同初武

帝踐阼封宣帝孫求爲東莞郡王始置二卿侯以下

置官屬隨國大小無定制諸侯並三分食一東晉元

帝太興元年始置九分食一

元帝以西陽王兼屬尊元會特爲設牀明帝以

兼皇室元老特爲之拜成帝詔兼依安平獻王孚故事設牀帳於殿上帝親迎拜

王國有傳

傳即師也以景帝

武帝初置一人蓋因文王仲尼四友之名

典書令丞掌

教令職官錄曰漢制本曰尚書改爲治書國諱又改爲典書至晉武置典書令是也

文學一郎

中令中尉大農

此爲三卿

左右常侍

大國各二人次國各一人掌贊相獻替